

## STYRESAK

**GÅR TIL:** Styremedlemmer  
**FØRETAK:** Sjukehusapoteka Vest

**DATO:** 02.11.16  
**SAKSHANDSAMAR:** Ola Rye, Kst. Administrerende direktør  
**SAKA GJELD:** **Sluttrapport utredning nasjonalt sjukehusapotekføretak**

**ARKIVSAK:**  
**STYRESAK:** **058/16**

**STYREMØTE:** **09.11.2016**

.....

### **FORSLAG TIL VEDTAK**

Styret vedtek uttale i samband med utredning av nasjonalt sjukehusapotekføretak slik uttalen går fram av notat frå Sjukhusapoteka Vest HF til Helse Vest RHF (vedlegg 1).

## Oppsummering

Det føreligg sluttrapport frå prosjekt «utredning av felles sykehusapotekforetak» (vedlegg1). Rapporten vart godkjent av styringsgruppa i prosjektet den 14.oktober i år. Prosessen vidare er at det vert gjennomført regionale forankringsrundar (vedlegg 2) før saka vert lagt fram for det nasjonale AD-møtet den 12. desember. Styret i Sjukehusapoteka Vest vert i denne saka bedne om å vedta ein uttale til Helse Vest som kan innarbeidast i ei samla tilbakemelding frå regionen til prosjektet. Utkast til uttale er vedlagt (vedlegg 3). I utkast til uttale stiller styret seg bak anbefalinga i sluttrapporten. Styret peikar og på forhold som ein ynskjer vert vurdert i den vidare sakshandsaminga.

## Fakta

Styret vart orientert om arbeidet med utgreiing av eit nasjonalt sjukehusapotekføretak i styremøte den 30.august 2016 (sak 037/16). Sluttrapport frå utgreiinga (vedlegg 1) vart godkjent i styringsgruppa i prosjektet den 14.oktober i 2016.

Vidare prosess er at styringsgruppa i prosjektet legg fram saka for handsaming i nasjonalt AD møte den 12. desember i år. I førekant av handsaminga i AD-møtet ynskjer styringsgruppa å gjennomføre ein forankringsprosess i kvar region. Gjennomføring av forankringsprosessen er omtala i brev til helseregionane av 14. oktober (vedlegg 2). Dei regionale helseføretaka koordinerer forankringsrunda i kvar region og i Helse Vest har føretaka i regionen fått frist til 11. november med å kome med innspel som skal innarbeidast i ei samla tilbakemelding frå regionen.

Samstundes med forankringsrunda gjennomfører administrerande direktør i kvart av dei fire sjukehusapotekføretaka ei forankring med styret i sitt føretak. I Sjukehusapoteka Vest starta forankringsrunda ved at utgreiinga var tema i styreseminar den 5. oktober i år. Forankringsrunda vert slutført ved at styret gjev ein uttale om prosjektet til Helse Vest RHF. Utkast til uttale er vedlagt (vedlegg 3).

I forankringsrunda er føretaka bedne om å gje innspel på to hovudtema;

*Korleis kan dei skisserte strategiske fokusområda sikre kundefokus, samt tett og god dialog med brukarane i eit nasjonalt helseføretak?*

*Korleis sikre at den tette integrasjonen og det gode samarbeidet mellom sjukeshusapoteka og helseføretak vert ivaretekne i ein nasjonal modell?*

I utkast til uttale frå styret vert det lagt vekt på følgjande som innspel til hovudtema;

- Sikring av lokale leveransar og tett samhandling med kvart sjukehus.
- Sikring av farmasikompetanse i regionen og nær sjukhusa.
- Auka krav til premissar for samhandling med-, og leveransar til, kvart sjukehus og at dette vert forankra i samarbeidsavtalar.
- Sikre at nasjonal samordning ikkje går på bekostning av regionale relasjonar, tillit og felles forståing.
- Vidareføre og styrkje sjukehusapoteka si rolle i den samla helsetenesta .

I utkastet til uttale stiller styret seg bak anbefalinga i sluttrapporten om at det vert etablert eit nasjonalt sjukehusapotekføretak. Styret stiller seg og bak omtale av dei forholda i rapporten vert peika på bør utgreiast nærmare. Styret tilet seg i tillegg peike på forhold som ein ynskjer vert teke opp til vurdering i den vidare sakshandsaminga;

- Pasienttryggleik, kvalitet og produktivitet må vere sentrale målområde for eventuell ny organisering.
- Utvikle tydelegare målbilde ut frå dei strategiske fokusområder som er peika ut.
- Vurdere korleis ein gjennom lokal kapasitet og kompetanse kan sikre tilfredstillande kvalitet på lokal støtte og leveransar til sjukehusa i ein nasjonal modell.
- Synleggjere tydelegare forvaltningsmodell og gevinst for IKT i eit nasjonalt føretak
- Synleggjere omstillingskostnader.
- Konkretisere gevinstar og realisering av desse ytterlegare.
- Tydeleggjere variasjon i kvalitet, tenester og finansiering mellom apotek og regionar slik at potensialet for standardisering kjem betre fram.
- Vurdere auka risikovurdering i punktet «Dersom ledelsen i nasjonalt sykehusapotek HF sentraliseres ett sted og tas ut av dagens regionale møtearenaer, kan avstanden fra ledelse til sykehusene og RHF-ene oppleves som lang og samarbeidet med sykehusene og RHF-ene svekkes».

### **Konklusjon**

Rapport frå arbeid med utgreiing av nasjonalt sjukehusapotekføretak føreligg og styret stiller seg bak anbefalinga frå prosjektet om å etablere eit nasjonalt sjukehusapotekføretak. Styret ynskjer at dei at momenta som er nemnde i uttale til Helse Vest vert teke opp til vurdering i den vidare sakshandsaminga.

### Vedlegg ;

1. Sluttrapport utredning av nasjonalt sjukehusapotekføretak
2. Brev til helseregionane om regional forankring av leveranse frå prosjekt «Utredning av nasjonalt sykehusforetak».
3. Notat til Helse Vest RHF om uttale i samband med utredning av nasjonalt sjukehusapotekføretak.